

Arizkun-en garagarrillaren 23-an Simon Ibarra Sumbilla-koa txapeldun.

Iruñean azken saioa azaroaren 17-an. Gayarre Teatroan izan zan. Migel Arozamena Lesaka-koa Nafarroako txapeldun eta Andres Narbarte Goizueta-koa bigarren.

Bestelako egun bat ere izan zan Ernani-n. Txirrita-ri omenaldi bikain bat egin zitzaion 1963 maiatzaren 12-an. Bertako kale bati bertsolari famatuaren izena jarri zitzaion egun artan. Bertsolaririk onenetakoak izan ziran eta festa ederrak gertatu ziran.

Euskaltzaindiak 1962 urtean agertzen ziran bertso papelik onenentzat txapelketa bat jarri zuen eta irabazleei Txirrita-n omenaldiaren egunean eman zitzaizkien sariak. Lenengoa Jesus Lete "Ibai-ertz"-ek artu zuen. Bigarrena, Sebastian Salaberria-k. Irugarrena, Manuel Uranga-k. Eta laugarrena, Basilio Pujana-k.

Azaroaren 17-an Eibar-ko zezen plazan saio bat egin zan Manuel Lasarte-ri omenez bertsolaririk onenetakoak parte artzen zutela. Modu orretan diru laguntasuna eskeiñi zitzaion bertsolari nafarrari bere gexo gogorraren ondoren.

Eztago zertan esan jentea erruz eta gustora bildu zala saio guztietara.

EUSKALZALEEN BILTZARRA EUSKALTZAINDIAK ERATUA ARANTZAZU-N

1963 iraillaren 30-etik urriaren 2-ra Euskalzaleen Biltzarra prestatu zuen Euskaltzaindiak. Bertan ainbat itzaldi egin ziran eta bakoitza bukatzen zanean berriketari bidea ematen zitzaion oitura dan bezela. Gai nagusia "Euskal iztegia eta gaur eguneko bearrak" izan zan, bi sailletan banatua. Lenengoa "Euskal iztegiaren iturburuak" eta bigarrena "Kultura itzak euskeraz".

Urrengo Euskalzaleen Biltzarra Loyola-n egingo da Aita Jesuiten etxean 1964 urteko agustuan. Iru egunetan egiteko asmoa dago: ostiral, larunbat eta igandez.

ITZALDIK BILBON

1962 urteko martxoaren 2-an Aita Luis Villasante-k egin zuen itzaldi bat Bizkaiko Diputazioaren Bibliotekan Bizkaiko Kultura Batzarreak antolatzen dituenen artean. "Axular y su célebre obra Guero" izan zan bere jardunaren titulua.

Urte bereko apirilaren 12-an Luis Mitxelena jaunak egin zuen beste bat leku berean. "El vasco y las lenguas antiguas de España y Francia" izan zan titulua. Onela zion programak: "Raza, cultura y lengua. El aislamiento de la lengua vasca. Parentesco y afinidad. Galo y Aquitano. Escrituras y lenguas his-

pánicas antiguas. Lo que se conoce hoy acerca del ibérico y del celtibérico. Coincidencias aparentes entre ibérico y vasco: posibilidades de explicación."

1963 urteko azaroaren 5-ean Jose M.^a Busca Isusi jaunak leku berean "Análisis de la llamada cocina vasca" gaiaz.

1963 azaroaren 12-an Antonio Arrue jaunak. Titulua "Cuatro poetas vascos actuales". Aita Xabier Diharce "Iratzeder", Jean Mirande, Aita Gandiaga eta Gabriel Aresti euskal poetak dira estudiatu zituanak.

1963 abenduaren 30-ean Florentino Castañón jauna aritu zan "Apologistas vascos: Larramendi y Astarloa" gaiaz.

BIZKAIKO NESKA MUTILLEN EUSKAL ESAMIÑAK

1962 garagarrillaren 28-an egin ziran Euskaltzaindiak antolatutako neska mutilen euskal esamiñak Indautxu-ko Aita Jesuiten kolejoan. Ogetaamazazpi neska mutil aurkeztatu ziran guztiz Iyorrreta, Mungia, Laukiniz eta Bilbokoak. Nagusiagoen artean Kristina Mardaras Iyorrreta-koak irabazi zuen saririk aundiena eta txikiagoen artean Maria Teresa Zugazartaza Iyorrreta-koak. Sariak 1963 ilbeltzaren 13-an partitu ziran Arriaga Teatroan.

1963 urtean ere leku berean esamiñatu ziran garagarrillaren 27-an eta irurogei neska ta mutil aurkeztatu ziran Iyorrreta, Laukiniz, Mungia eta Bilbokoak.

EUSKALTZAINDIAREN JAIA BILBON

Aurreko urteetan bezela 1963 ilbeltzaren 13-an egin zan Arriaga Teatroan. Lendabizi aurreko urtean esamiñatu ziran aurrai sariak eta diplomak eman zizkien Eusebio Erkiaga eta Alfonso Irigoyen jaunak publikoaren txaloen artean. Gero "Danak bat" alkartadeko artista talde Mungia-koak Manuel Ziarsolo "Abeletxe"-n obra bat eman zuen bi ekintza eta lau irudikoa. Mungia-ko Orfeoiko talde aukeratu batek ere parte artu zuen Jose Maria Arregi apez jauna zuzendari zala eta baita Bilboko Dindirri euska! dantza taldeak ere.